

## **KinyaRwanda - Bagore Ibyanditswe - Wives Scriptures**

**Abanyaefezi 5:22-24** Bagore, mugandukire abagabo banyu nk'uko mugandukira Umwami wacu, 23 kuko umugabo ari we mutwe w'umugore we, nk'uko Kristo ari umutwe w'itorero ari ryo mubiri we, ni na we Mukiza waryo. 24 Ariko nk'uko Itorero rigandukira Kristo, abe ari ko abagore bagandukira abagabo babo muri byose.

**Abanyaefezi 5:31,33** Ni cyo gituma umuntu azasiga se na nyina akabana n'umugore we akaramata, bombi bakaba umubiri umwe. 33 Nuko namwe umuntu wese akunde umugore we nk'uko yikunda, kugira ngo umugore na we abone uko yubaha umugabo we.

**1 Abanyakorinti 7:3** Umugabo ahe umugore we ibimukwiriye kandi n'umugore na we abigenze atyo ku mugabo we,

**1 Abanyakorinti 7:34** Kandi hariho itandukaniro ry'umugore n'umwari. Utarongowe yiganyira iby'Umwami kugira ngo abe uwera ku mubiri no ku mutima, ariko uwarongowe yiganyira iby'iyi si, ngo abone uko anezeza umugabo we.

**Abanyakolosi 3:18** Bagore, mugandukire abagabo banyu nk'uko bikwiriye abari mu Mwami wacu.

**1 Timote 2:11-15** Umugore yigane ituza aganduke rwose, 12 kuko nanga ko umugore yigisha cyangwa ngo ategene umugabo, ahubwo agire ituza 13 kuko Adamu ari we wabanje kuremwa nyuma hagakurikiraho Eva. 14 Kandi Adamu si we wayobejwe, ahubwo umugore ni we wayobejwe rwose, ahinduka umunyabicumuro. 15 Nyamara abagore bazakizwa mu ibyara nibakomeza kwizera, bakagira urukundo no kwera, bakirinda.

**Intangiriro 3:16** Kandi Uwiteka Imana ibwira uwo mugore iti “Kugwiza nzagwiza cyane umubabaro wawe ufite inda: uzajya ubyara abana ubabara, kwifusa kwave kuzaherera ku mugabo wawe, na we azagutwara.”

**1 Petero 3:1,2** Namwe bagore ni uko mugandukire abagabo banyu, kugira ngo nubwo abagabo bamwe batumvira ijambo ry'Imana bareshywe n'ingeso nziza z'abagore babo, nubwo baba ari nta jambo bavuze 2 babonye ingeso zanyu zitunganye zifatanije no kubaha.

**Tito 2:1-5** Ariko wowe ho uvuge ibihuye n'inyigisho nzima. 2 Uhugure abasaza kugira ngo be gukunda ibisindisha, bitonde, badashayisha, babe bazima mu byo kwizera n'urukundo no kwihangana. 3 N'abakecuru ni uko ubabwire bifate nk'uko bikwiriye abera batabeshyera abandi, badatwarwa umutima n'inzoga nyinshi, bigisha ibyiza 4 kugira ngo batoze abagore bato gukunda abagabo babo n'abana babo, 5 no kudashayisha, no kwirinda gusambana, no kwita ku by'ingo zabo, no kugira neza, bagandukira abagabo babo kugira ngo ijambo ry'Imana ridatukwa.

**Imigani 12:4** Umugore w'ingeso nziza abera umugabo we ikamba, Ariko ukoza isoni ni nk'ikimungu kiri mu magufwa ye.

**Imigani 14:1 Umugore w'umutima wese yubaka urugo, Ariko umupfu we ubwe ararusenya.**

**Imigani 19:13 Umwana upfapfana abera se ikirumbo, Kandi intonganya z'umugore ni nk'ibitonyanga bidatuza.**

**Imigani 21:9,19 Kuba mu gakinga k'urusenge, Biruta kubana n'umugore w'ingare mu nzu y'inyumba. 19 Kwibera ku gasozi kadatuwe, Kuruta kubana n'umugore w'umwaga utera intonganya.**

**Imigani 25:24 Kuba mu gakinga k'urusenge, Biruta kubana n'umugore w'ingare mu nzu y'inyumba.**

**Imigani 27:15,16 Umunsi w'imvura nyinshi y'urujojo rudahita, N'umugore w'ingare uvuga urudaca birahwanye. 16 Ushaka kumubuza ni nko kubuza umuyaga, Azamufata anyerera nk'amavuta.**

**Imigani 31:10-31 Umugore w'imico myiza ni nde wamubona? Arusha cyane rwose marijani igiciro. 11 Umutima w'umugabo we uhora umwiringira, Kandi ntazabura kunguka. 12 Ahora amugirira neza ntabwo amugirira nabi, Igihe cyose akiriho. 13 Ashaka ubwoya bw'intama n'imigwegwe, Anezezwa no gukoresha amaboko ye. 14 Ameze nk'inkuge z'abagenza, Azana ibyokurya bye abikura kure. 15 Abyuka kare butaracya, Akagaburira abo mu rugo, Agategeka abaja be imirimo ibakwiriye. 16 Yitegereza umurima akawugura, Awutezamo urutoki mu by'inyungu ivuye mu maboko ye. 17 Akenyerana imbaraga, Agakomeza amaboko ye. 18 Abona yuko ibyo akora bimufitiye akamaro, Kandi nijoro itabaza rye ntirizima. 19 Afatisha ukuboko urubambo ruriho ipamba, Intoki ze zigafata igit iphotoza. 20 Aramburira abakene ibiganza, Kandi indushyi akazitiza amaboko. 21 Ntatinyisha abo mu rugo igihe cy'imbeho, Kuko abo mu rugo bose bambaye ibikomeye by'imihemba. 22 Yibohera ibirago by'ibisuna, Imyambaro ye ni imyenda y'ibitare byiza n'imihengeri. 23 Umugabo we amenyekana mu marembo y'umudugudu, Yicaranye n'abakuru b'igihugu. 24 Aboha imyambaro akayigura, Agurira abagenza imikandara. 25 Imbaraga n'icyubahiro ni byo myambaro ye, Kandi igihe kizaza azaba agiseka atacyitayeho. 26 Abumbuza akanwa ke ubwenge, Kandi itegeko ry'ururimi rwe riva ku rukundo. 27 Amenya neza imico yo mu rugo rwe, Kandi ntabwo ary ibyokurya by'ubute. 28 Abana be barahaguruka bakamwita Munyamugisha, N'umugabo we na we aramushima ati 29 "Abagore bensi bagenza neza, Ariko weho urabarusha bose." 30 Ubutoni burashukana kandi uburanga bwiza ni ubusa, Ariko umugore wubaha Uwiteka ni we uzashimwa. 31 Mumuhe ku mbuto ziva mu maboko ye, Kandi imirimo ye nibayimushimire mu marembo.**